

लाहना

द्वारसाथिक पत्रकारिता, शौचा आवश्यकता

साःगु भिंगु मरिचरिया निति लुमका दिसें !

लक्ष्मण जमाल 'विलमि' प्रोप्राइटर

लाखा छेँ
LAKHA CHHEN

सोहखुटे, वडा नं. १६, येँ, फोन नं.: ४५६०७५८

थुकि दुने



नेपाःमिपिनि रेल म्हास सानुराजा शाक्य - २



छेँ गिद्ध जुत कि शान्ति याय माः पन्नारत्न महर्जन - ३



धातथेँ वर्ल्ड रेकर्ड हे जुइ ला ? नेपालभाषा स्टार म्यूजिक भिडियो अवाड

विराजकाजी राजोपाध्याय - ६



थीथी ज्याइवःया लू - ४-५

मातृभाषा पत्रकारिता शतवार्षिकी हनीगु पत्रकारतय् क्षमता अभिवृद्धि उच्च प्राथमिकता



● **केके मानन्धर**
नेवाः पत्रकार राष्ट्रिय दबूया नवनिर्वाचित ज्यासना पुचःया न्हापांगु पूर्ण मुँज्या लुम्बिनीइ क्वचाल। नृपेन्द्रलाल श्रेष्ठ नेतृत्वया १९ दुजःया न्हूगु ज्यासना पुचःया मुँज्या लुम्बिनीइ जूगु खः। माघ १९, २० व २१ गते जूगु मुँज्याया न्हापांगु चरणय् पुस २३ गते यलय् जूगु पत्रकार राष्ट्रिय दबूया भिक्वःगु दैमुँज्या अले प्यक्वःगु राष्ट्रिय तःमुँज्याय् ग्वहालि याःपिं सकलेँ पत्रकार, संघसंस्थालिसे भाजुमयजुपिन्त सुभाय् देखाःगु खः।

उगु हे चरणय् संस्थापक नायः श्रीकृष्ण महर्जन व निवर्तमान नायः सुरजवीर बज्राचार्य न्हूगु ज्यासना पुचलय् दुथ्याःपिं पदाधिकारी व

दुजःपिन्त वइगु कार्यकालया निति भित्तुना देखाःगु खः। श्रीलंकाया सरकार लुम्बिनीइ दय्कातःगु सभाहलय् जूगु मुँज्याय् पत्रकार राष्ट्रिय दबूया प्रेस कार्ड व लोगो तकं इनेज्या याःगु खः।

मुँज्याया निगुगु चरण थाई बिहारया सभाहलय् सम्पन्न जूगु खः। उगु चरणया मुँज्याय् न्हूम्ह नायः नृपेन्द्रलाल श्रेष्ठ पेश यानादीगु वार्षिक ज्याइवःलिसे नीति व योजनाय् पत्रकार राष्ट्रिय दबूया पदाधिकारी व दुजःपिन्त थःथःगु विचाः तःगु खः।

संस्थाया निति सल्लाहकार नियुक्ति, थीथी विभाग गठन, केन्द्रीय दुजःपिनिगु मनोनयन, देय्या लुम्बिनी व कर्णाली बाहेक मेमेगु प्रदेशय् प्रदेश संयोजक मनोनयनया प्रस्ताव यानादीगु

खः।

नायःया प्रस्ताव कथं नेपाःया आदिवासी जनजातिया न्हापांम्ह मातृभाषी पत्रकार जगतमान वैद्य (धर्मादित्य धर्माचार्य)या शतवार्षिकीया लसताय् दच्छियंकं थीथी ज्याइवःत यायगु न निर्णय याःगु दु। वय्कःया नामय् सरकारी स्तरं पाय्म्वः पिकाय्केगु, मातृभाषा सम्मेलन यायगु, हुलाक टिकट प्रकाशन याकेगुलिसे मातृभाषी पत्रकार धर्मादित्य धर्माचार्य प्रतिष्ठान चाय्केत प्रधानमन्त्री अले सञ्चारमन्त्रीया ध्यानाकर्षण याकावनेगु न निर्णय याःगु दु। नेपाल पत्रकार महासंघया संस्थापक नायः सत्यनारायण बहादुर श्रेष्ठया नामय् सिरपा लःल्हाय्गु न निर्णय याःगु दु।

मुँज्या आवलिं पत्रकार राष्ट्रिय दबूया हरेक ज्याइवःलिसे केन्द्रीय समितिया मुँज्या न्हयः नेपाल पत्रकार महासंघया संस्थापक नायः सत्यनारायण बहादुर श्रेष्ठ व नेपाःया न्हापांम्ह मातृभाषी पत्रकार धर्मादित्य धर्माचार्यया किपातय् स्वां देखाना स्वांमाः क्वखाय्केगु अले प्रत्येक शाखाय् न थ्वहे परम्परा नालेत इनाप याना परिपत्र यायगु निर्णय याःगु दु।

अथेहे, प्यक्वःगु राष्ट्रिय तःमुँज्याय् निवर्तमान नायः सुरजवीर बज्राचार्यया संयोजनय् तयार जूगु 'नेवाः पत्रकार छ्वाः जुइ' बोलया नेवाः पत्रकार राष्ट्रिय म्ये प्रत्येक ज्याइवल्य् हाय्केगु न निर्णय याःगु दु।

त्यं ७ पेजय्

येँ १७ वडाय् विद्युतीय सुशासन सेवा



● **नृपेन्द्रलाल श्रेष्ठ**
येँ महानगरपालिका नागरिक विद्युतीय सुशासन सेवा संचालनय् हःगु दु। येँ महानगरपालिका १७ वडा नागरिक विद्युतीय सुशासन सेवा अन्तर्गत एकीकृत प्रणाली शुरु याःगु खः। येँ महानगरपालिकाया प्रवक्ता नापं १७ वडाध्यक्ष नविन मानन्धर डिजिटल सिमेचरया टोकन प्रयोग यानाः नागरिक विद्युतीय सुशासन सेवा शुभारम्भ यानादीगु खः। सेवा

शुरुवात यासेँ महानगर प्रवक्तानापं १७ वडाध्यक्ष मानन्धर थःपिनिगु लक्ष्य पेपरलेस लिसें फेसलेस गभर्नेन्स खः धयादिल। 'थुक्रियात अप्वय्का यंकाः सकसिगु पहुँचय् तक थ्यंकेगु लक्ष्य दु, गुकुन्हपूर्णरूपं विद्युतीय सुशासन सेवा संचालन जुइ व हे दिनिसें भ्वंया प्रयोग न बन्द जुइ' वडाध्यक्ष मानन्धर धयादिल।

प्रणाली संचालनया निति त्यं ७ पेजय्

Trendiest Fashion
At Price You Love

ufo

48583503411036

राम प्रजापति
प्रोप्राइटर

हारती मिठाई भण्डार
(शुद्ध शाकाहारी)

कालिमाटी चोक, टंकेचर मार्ग, काठमाडौं।
फोन नं. : ०१-५३७२९९९, मो. ९८०३९८०६९९

यहाँ:-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ।



नेवा: राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन भीगु लागाय् भी स्वयं हे जः जुया धुन लुइ धुन ह्यांगु भुमिइ अष्टमण्डल ह्यांगु चाः दुने थी नगु भीगु नेवाः ध्वाँय् थ्व हे खः ज्यान भी सकस्यां छगू जातितय् स्वायत्त राज्यं लुइ कर्पं च्वय् भिर्लिमिलिं राष्ट्र भःभः धाय्क न्ह्याके भीगु चःतिं भीगु हिं

नेपाःमिपिनि रेल म्हगस



सानुराजा शाक्य

नेपालय् नं रेल न्ह्याइगु कल्पना जक याय्बलय् नं यक्व न्हयइपु। नेपाःया रेल सपना गबले पूवनीगु खः मस्यु। तर नेपालय् नं याकनं रेल वइगु बुखं छुं दैनिसें निरन्तर न्ह्यानाच्वंगु दु। वंगु सर्विधानसभाया चुनावया घोषणा-पौ स्वल धाःसा नेपालय् रेल ब्वाके मखु धकाः मच्चःगु दल हे मद्दु धाःसां ज्यु।

नेपालय् रेल दु धाःगु थाय् जनकपुर जलेश्वर धकाः धाइ। अन न्ह्याइगु रेल म्युजियमय् तःसां ज्युगु रेल खः। तर वंगु छुं दैनिसें उगु रेलयात बर्दिवास तक ह्यगु नितिं रेलया लीक दय्काच्वंगु फोटो नं वःगु दु। तर लीक तयार जूसां रेल न्ह्याकेत न त नेपालयाके थःगु रेल इन्जिन हे दु न डिब्बा हे। अथे खःसां भारतं रेलया इन्जिन व डिब्बा त्याय् कयाः जूसां न्ह्याकेगु धकाः सरकार न्हयज्यानाच्वंगु दु।

भारतं हे नेपालय् रेल विकास याय्गु प्रस्ताव प्रधानमन्त्री ओली भारतय् ज्यू भ्रमणय् नं सहमति जुल। नेपालय् रेल विकास याय्गु नितिं भारतं पूर्व पश्चिम रेल व वीरगञ्जनिसें यँतक भारतया रेल रक्सौल जुयाः ह्यगु धकाः नं सहमति याःगु दु। थ्व सहमतिकथं ज्या याकनं जुइ धकाः धाःसां विश्वास काय् थाय् म्हुनि। अयुनं भारतं रेल वइ धकाः पियाच्वनेगुया विकल्प नं भीके मद्दु। भारतं नेपालय् रेल वइथे चाइनाया रेल नं रसुवा जुयाः ह्यगु नितिं प्रधानमन्त्री स्तरीय सहमति ज्यू दु। छगू इलय् चाइना रेलय् नेपालय् वनीगु धकाः ब्यानर हे ब्वयाः रेल न्ह्याःगु फोटो नं पत्रिकाय् छापे ज्यू खः। तर व रेल नेपालय् छवय्गु हलज्वलं ज्वनाः नेपाः चीनया सिमाना स्वयां तापाक तक जक वइगु रेल जुयाच्वन। गुलिसिनं नेपालय् रेल स्वाइगु लिक हे मद्दुकुनि गथे यानाः चाइनाया व रेल नेपालय् थ्यं वइगु खः धकाः सीकेत आय् बुल।

चाइनां वइगु रेल रसुवा जुयाः यँ जक मखुकि पोखरा जुयाः लुम्बिनी तक हे थ्यंकेगु नितिं कुतः याय्गु धकाः धयाच्वंगु दु। चाइनां रेल ह्यत् चाइनाया रेल विभागया अफिसियल व इन्जिनियरत रसुवा जुयाः यँ वयाः पोखरातकया भौगोलिक स्थलगत निरिक्षणय् वंगु छुं महिना न्हयः वयाः लिहाँ वनेधुंकल। उगु पुचलं नेपालय् चीनया रेल ह्यगु बारे प्रारम्भिक प्रतिवेदन चीन सरकारयात लःल्हाइगु जुइ।

तर उगु पुचलं चीनं नेपालय् वय्बलय् भौगोलिक अवस्थाया कारणं रेलया ज्या अःपु मजुइगु

शंकायात धइगु नं समाचार वल। तर प्रविधिया विकासं भूगोल बाधक मजुइगु विश्वास नं याय्। इन्जिनियरिड्या ज्या हे असंभव यात संभव याय्गु खः। मात्र बजेट गुलि फुकेगु धइगु खः। थुकथं नेपालय् रेल ह्यगु नितिं नेपाःया जःलाःखःला निगू देय् भारत व चीनया धेधेबल्ला जुयाच्वंगु दु। थुकी मध्ये चीन स्वयां भारतया ज्यां आकार काःगु किपाःत नं पत्रिकाय् इलय् ब्यलय् छापे जुयाच्वंगु हे खं।

यातायातया रुपय् विकास जुइमखु, छगू रुटय् जक दय्कीगु मेट्रो घाटाया व्यापार याय्थे जक जुइ। उकिं गथे नागढुंगानिसें धौख्यःतक जक मखुकि टोखा व बुढानिलकण्ठं गोदावरी बज्रवाराही तक, साँखु व सुन्दरीजलयात जिइक अर्ननिसें फास्ट टुर्याकतक स्वाइगु मेट्रो उकथं हे एयरपोर्ट दुनं सामान ज्वना वय् जिइक जक मखुकि न्ह्याथासं नं एयरपोर्टय् सामान चेकइन याइगु लुखा न्हयःने



रेलया हे चर्चा याय्बलय् स्वनिगलय् जक न्ह्याइगु मेट्रो रेलया चर्चा याय् त्वःफिके जि हे मजिल। उकिसनं स्वनिगलय् मेट्रो रेल न्ह्याकेगु धकाः नागढुंगानिसें धौरुख्यःतकया सभ्भाव्यता अध्ययनया नितिं नेपाल सरकारं ग्लोबल टेण्डर याःगु खः।

रेलया हे चर्चा याय्बलय् स्वनिगलय् जक न्ह्याइगु मेट्रो रेलया चर्चा याय् त्वःफिके जि हे मजिल। उकिसनं स्वनिगलय् मेट्रो रेल न्ह्याकेगु धकाः नागढुंगानिसें धौख्यःतकया सभ्भाव्यता अध्ययनया नितिं नेपाल सरकारं ग्लोबल टेण्डर याःगु खः। ग्लोबल टेण्डरय् ब्वःति काःपिं मध्ये क्वालिफाइड ज्यू खुगू कम्पनी मध्ये छगू कम्पनी ल्यय्गु खँ नं बुँखय् वःगु दु। स्वनिगःया अस्तव्यस्त यातायातया सहज याय्त व सावर्जनिक यातायातयात सुलभ याय्त नं मेट्रो रेल दय्के हथाय् जुइधुंकल। तर स्वनिगलय् दुने मेट्रो ह्यगु उलि अःपु मजु।

स्वनिगः दुने मेट्रो जमिनं, स्काइ लँ दय्का व अण्डरग्राउण्ड मार्फत गुकथं धइगु खँ सभ्भाव्यता अध्ययन धुंकाः अफ स्पष्ट जुइ। तर स्वनिगलय् दुने लँ तःबाला मजुगुलिं जमिनं मेट्रो न्ह्याकेगु यक्व थासय् संभव मजु। रिंगरोडय् जक चले जुइगुकथं स्काइ ट्रेन संभव जुइ फइ, तर मेट्रो हे न्ह्याकेगु खःसा अण्डरग्राउण्ड मेट्रो जक स्वनिगलय् संभव दु। तर थ्व ज्याया नितिं यक्व बजेट माली। नेपाःया सरकारी बजेट जक थ्व संभव धाःसा मद्दु। मेट्रो धइगु नागढुंगा धौख्यः छगू रुटय् जक दय्काः न्ह्याके थाकुइ। छगू रुटय् जक मेट्रो दय्काः स्वनिगःया ट्राफिक समस्या समाधान जुइमखु।

जबतक स्वनिगः दुने छगू थासं मेगु थासय् वनेत अण्डरग्राउण्ड मेट्रो भलसा याय्बहःगु सावर्जनिक

पिचाइगुकथं रिंगरोड चाःहिलीगु मेट्रोया विकास जुइमाः। अले थ्व स्वंगु प्यंगु रुटया मेट्रो नापलाइगु जंक्सनत नं थाय्थासय् दय्माः।

थ्व फुक्क अण्डरग्राउण्डय् दय्केगुकथं डिजाइन जुइमाः। नागढुंगा थक्वात एयरपोर्टय् चेकइनया नितिं वनीमह यात्रु दथुइ ट्याक्सी गयाः वनेम्वाय्क नागढुंगा धौख्यःया मेट्रो ज्वनाः कलंकी वा कोटेश्वरया मेट्रो जंक्सन कुहाँ वयाः अनं रिंगरोड एयरपोर्ट दुने जुयाः वनीगु मेगु मेट्रो ज्वना एयरपोर्ट वने फइ। उकथं हे साँखु सुन्दरीजल लागं भँत वनेमाःम्ह यात्रु नं मेट्रो गयाः हे वनेफइ।

थुकिया नितिं साँखु सुन्दरीजलं वइगु मेट्रो गयाः वइगु मेट्रो व नागढुंगाः धौख्यः वइगु मेट्रोनाप लाइगु जंक्सन माइतीघर थापाथली अण्डरग्राउण्ड जंक्सनय् कुहाँ वयाः नागढुंगाः धौख्यः वनीगु मेट्रो गयाः थःगु गन्तव्य अःपुक थ्यंके फइ। थुकथं वनेबलय् साँखु भँत वनेमाःम्ह यात्रु दथुइ न बस काय्माली न ट्याक्सी हे छ्यलेमाली। थुकथंया अण्डरग्राउण्ड मेट्रोया सञ्जाल स्वनिगलय् दुने संभव व मेगु सच्छि दँतकयात बिचाः यानाः दय्के मालेधुंकल।

थुकथंया मेट्रो सञ्जालं स्वनिगः दुने नीजि गाडी जक मखु कि अव्यवस्थित माइक्रो, बसया ल्याः क्वपालेत ग्वाहाली जुइ। थप सतक व लँ तब्याःया सभ्भावना भन्भन् म्हो जुयाः वनाच्वंगु स्वनिगलय् थुकथंया अण्डरग्राउण्ड मेट्रो जक छगू विकल्प ल्यं दनी।

सम्पादकीय



न्हापा नेता मभिं, आः मिडिया मभिं

बुरीत, अय् बुरित मधाय्, भच्चा ज्याथःपिं मिसात छपुचः मुनाः खँ ल्हानाच्वन। छम्ह मिसां धाल, 'छु याय्, जिगु ला कर्म हे खोटा, न्हापा ब्याहा यानाः भौ जुयाः वया, माजु मभिंम्ह लात, सुख मद्दु। आः काय्या ब्याहा यानाः भौ द्रुतहयाः माजु जुयाबलय् भौ मभिंम्ह लानाः सुख मद्दु।' देय्या परिस्थिती नं थथे हे जुयाच्वंगु दु धाय्माल आः। छम्ह पत्रकार, अय् मखु मखु, छम्ह नेता थौंक्न्हय् चर्चाय् दु। बिचरा नेता, न्हापा संचारकर्मी जुयाः मिडियाय् च्वनाः नेतात मभिं खन, नेतातय् ब्वः बी फक्व ब्वः बिल। आः थः हे नेता जुयाः वल, आः मिडिया मभिं खन, मिडियायात ब्वः बी फक्व ब्वः बियाच्वन।

म्हियाः छगू संचार गृहलय् आवद्ध जुयाः व हे मनुखं नेतातय्गु ब्वः ब्यगु मुनां मस्वःगु खः। व हे ब्वः बिब्युं ला रवि लामिछाने धयागु नां थुलि बय्बय् जुल। यदि मिडियां छगू पक्षया हे पक्षपोषण याःगु धाय्गु खःसा वय्कःयात अथे हे ब्वः बीत थाय् हे मबीगु खइ। उगु इलय् रवि लामिछानेया नितिं मिडिया छगू शक्ति जुयाबिल। व हे शक्तिया आडय् चुयाः वय्कलं थौं राजनीतिइ पलाः तल। थुलि यात्राया दुने वय्कःया नागरिकता, राहदानीया विषय पिहांमवःगु नं मखु। तर, वय्कलं वास्ता नं मयाः। अःखतं थःगु नागरिकताया खँ पिकाःपिन्त ब्वः बिल।

आः राजनीतिइ पलाः तय्धुंकाः व हे पुलांगु विवादित विषय नागरिकताया हे कारणं पद त्वःतेमाःबलय् वय्कः थुलि हीमही चालकि म्हियाःतक्क थम्हं चुयावयागु व दबू, व हे मिडियायात थौं लाक्वपाक्व धयाः ब्वःबिल। अले धाय्माल मखुला, म्हियाः मिडियाय् दुबलय् नेता मभिं, आः थौं थः नेता जबलय् मिडिया मभिं। उलि जक मखु, थः मिडियाय् च्वनाः नेतायात ब्वःबीबलय् दक्वं ठिक, थौं थःत मिडियां पतिं ल्त्वन धाःसा दक्वं गलत। नागरिकताया खँ जुइमा, राहदानीया खँ अथवा वय्कःया परिवारया खँ, मिडियां ल्त्वंगु गुगु खँ गलत जुल, व वय्कलं धाय्फुगु दुला ? व ला मद्दु। थम्हं अस्वीकार जक याःगु दु। यदि व खँ फटाहा खँ मखूगु खःसा प्रमाणित याय्माल, मखु धइगु खःसा थः छम्हेसित जक मिडियां छुं धाय्मद्दु थज्याःगु खँ ल्हाय् पाय्छि जुइला ?

संचार कर्म यानावःम्ह, देय्या प्यंगुगु तःधंगु दलया सभापति, न्ह्यागु धाःसां देय्या गृहमन्त्री थुज्वःगु पदय् च्वनेधुंक्म्ह मनुखं सार्वजनिक रुपं सुयां नां हे कयाः उकथं न्ववाय्गु ज्यायात पाय्छि धाय् थाकु। थम्हं याःसा पाय्छि, मेपिन्सं याःसा गलत धाय्गु खःसा पुलापिं व न्हपिं दथुइ छु पात ? संचार क्षेत्र जक पूर्वक शुद्ध धइगु नं मखु तर, तरीका धाःसा बिलकुल गलत हे खः। अपराधीया हे ला पहिचान सीदय्की मखु। थःगु व्यक्तिगत खँ व विषययात कयाः उकथं संयमता त्वःते मज्यु।



वसालय् जूगु नेवा: हुलाप्याखं कासाया थीथी लू



धातुं वल्र्ड रेकर्ड हे जुइ ला ?

नेपालभाषा स्टार म्यूजिक भिडियो अवार्ड



बिराजकाजी राजोपाध्याय



थज्याःगु अवस्थाय
नेपालभाषाया कला
ख्यलय ला अवार्ड कन
हे कम । हलिमय
नोबेल प्राइज धायथें
नहापा नेपालभाषाया
साहित्य ख्यलय श्रेष्ठ
सिरपाः गौरवया विषय
जुइगु खः । थव सिरपाः
शौकन्हय निरन्तर
जुइफ्याच्वंगु मद्रु ।
संगीत ख्यलय नहापा
न्यू ट्यालेन्ट धइगु
संस्था न्यू ट्यालेन्ट
नेपालभाषा ठये अवार्ड
ज्याभवः याःगु खः ।
लिपा नांया खँय
आन्तरिक विवाद
जुबलय थुकिया निगूगु
संस्करण कथं दि
ट्यालेन्ट नेपालभाषा
ठये अवार्ड नं यात ।

वइगु माघ २९ गते नेपालभाषाया म्यूजिक भिडियो ख्यःया नितिं छू विशेष दिन जुइ । नेपालभाषाया म्यूजिक भिडियो ख्यलय सक्रिय कलाकःमिलिसें कलाह्यमित सकलें छथाय मुनाः थुगु दिनयात हनीगु जुइ । थुगु दिनय यँया कमलादीस्थित प्रज्ञा भवनया दबुलिइ नेपालभाषा स्टार म्यूजिक भिडियो अवार्डया निगूगु संस्करण जुइत्यंगु दु । अयजुयाः थव दिन भीगु नितिं, नेवाः कलाकःमि व कलाह्यमितय नितिं विशेष खः । म्ये, म्यूजिक भिडियो, सकिपाया दथुइ अवार्ड बीगु ज्या जुयाचवनी । गुलिसिया नितिं थव साधारण खँ जुइफु । दर्ता, दर्ता जूगु म्येया दथुइ नोमिनेसन, नोमिनेसनय लाःपिनि दथुइ छम्हेसित पुरस्कृत यायगु कथं अवार्ड जुइ, थुकी छु विशेष धकाः मेपिन्सं धायफु । तर आर्थिक रुपं छुं नं आशा मतःसे थःगु मातृभाषाप्रतिया भावना व प्रेम जक तथाः नेवाः कला ख्यलय सक्रिय जुयाचवपिनिगु नितिं थज्याःगु अवार्ड छू तःधंगु हःपाः खः । उकिया नापं थव अवार्ड भीगु नितिं विशेष मेगु छू कारणं नं खः । नेपालभाषाया सकिपा व म्यूजिक भिडियो ख्यलय दकले ताःहाकःगु व तःधंगु धयातःगु थव अवार्ड हलिमय हे दकले ताःहाकःगु व तःधंगु अवार्ड कथं वल्र्ड रेकर्ड हे नं दाबी यानातःगु दु । यदि दाबी कथं रेकर्ड हे जुल धाःसा हलिमय दकले तःधंगु अवार्ड कथं नेवाः म्यूजिक भिडियो अवार्डया नामं 'नेपालभाषा स्टार म्यूजिक भिडियो अवार्ड' या नां चवनी ।

हलिमय थीथी ख्यःया आपालं अवार्डत जुयाचवंगु दु । उकीमध्य छुं छुं अवार्ड हलिंया कुंकुलामय तसकं नांजाः । व अवार्ड त्याकेगु जक मखु, नोमिनेसनय लायगु तक नं तसक गौरवया विषय कथं काः । अवार्ड अथवा सिरपाःया खँ लहायबलय नोबेल प्राइज हलिमय दकले प्रतिष्ठित सिरपाः कथं काइ । व हे कथं सकिपा ख्यलय आस्कर अवार्ड नं प्रतिष्ठित अवार्ड खः । अथे हे, एकेडमि अवार्ड, पुलिट्जर अवार्ड, फिल्ड्स अवार्ड नं नांजाः । संगीत ख्यलय ग्रामी अवार्ड, बिलबर्ड म्यूजिक अवार्ड नं नांजाःगु अवार्ड कथं काः । जःलाखला देयु भारतय स्वयंगु खःसा फिल्मफेयर

अवार्ड सकिपाया ख्यःया बांलाःगु अवार्ड कथं काः । अथे हे, जि सिनेमाया जी सिने अवार्ड नं नांजाःसा आइफा अवार्डयात भारतया दकले तःधंगु सकिपा अवार्ड कथं न्ह्यःने यंकेत स्वयाचवंगु दु । नेपालय नं थीथी अवार्डत जुयाचव । कामना पत्रिकां कामना अवार्ड यानाचवंगु दु । अथे हे, डि सिने अवार्ड छू इलय बयबय जूगु अवार्ड खः । संगीत ख्यलय हिट्स एफ एमया हिट्स अवार्ड, इमेज च्यानलया इमेज अवार्ड आदि नं जुयाचवंगु दु । छू प्रतिष्ठित वा गौरवया विषय जुइफुगु कथं नेपालय छुं अवार्डया नां कायगु मदुसां आपालं अवार्डत जुयाचवंगु धाःसा दु ।

थज्याःगु अवस्थाय नेपालभाषाया कला ख्यलय ला अवार्ड भन हे कम । हलिमय नोबेल प्राइज धायथें नहापा नेपालभाषाया साहित्य ख्यलय श्रेष्ठ सिरपाः गौरवया विषय जुइगु खः । थव सिरपाः शौकन्हय निरन्तर जुइफ्याचवंगु मद्रु । संगीत ख्यलय नहापा न्यू ट्यालेन्ट धइगु संस्था न्यू ट्यालेन्ट नेपालभाषा म्ये अवार्ड ज्याइवः याःगु खः । लिपा नांया खँय आन्तरिक विवाद जुबलय थुकिया निगूगु संस्करण कथं दि ट्यालेन्ट नेपालभाषा म्ये अवार्ड नं यात । वयां लिपा थव निरन्तर जुइमफुत । इमेज च्यानलया इमेज अवार्डय नं नहापा नेपालभाषा म्येया छू क्यारगरीइ अवार्ड बीगु यानाचवंगु खः । तर लिपा वनाः थव क्यारगरी हे चीकाखल । नेपालभाषाया रंगीन बाःछिपौ पेजथ्रीपाखें प्यँयँ छक्कः पेजथ्री नेपालभाषा पिपुल्स च्वाइस अवार्ड यानावःगु दु । उकी नेपालभाषाया संगीत, म्यूजिक भिडियो व सकिपा स्वंगुलिं ख्यःयात कःधानाः अवार्ड बीगु यानाचवंगु दु । थव अवार्डया प्यंगु संस्करणतक जुइधुंक्गु दु । आः संसार क्रिएसन्सपाखें नेपालभाषा स्टार म्यूजिक अवार्ड यानावःगु दु । करीब स्वदँ न्ह्यः थुगु अवार्डया नहापांगु संस्करण जूगु खःसा आः वइगु माघ २९ गते निगूगु संस्करण नं जुइत्यंगु दु ।

थुगु अवार्ड यायगु नितिं विशेष यानाः संसार क्रिएसन्सया क्रिएटिभ डायरेक्टर, नेपालभाषा कला ख्यःया कलाकःमि स्वतन्त्र संसार महर्जनया सक्रियता दु । वयकःया कुतलं थव अवार्ड जूगु वा जुयाचवंगु



खः धायमाः । थव अवार्डयात हलिंया हे दकले ताःहाकःगु व तःधंगु अवार्ड कथं वल्र्ड रेकर्ड दयकेगु स्वतन्त्रया बिचाः दु । ज्याइवःया घोषणानिसें कयाः ज्याइवःलिसे स्वाःगु सहायक ज्याइवःत यायां ताः ई ज्याइवः निरन्तर जुयाचवनीगु ताःहाकःगु ज्याइवः अले म्यूजिक भिडियोलिसे सम्वन्धित दक्व धइथें बिधात दुथ्याकाः दकले अप्वः विधाय अवार्ड बीगु दकले तःधंगु ज्याइवः यायगु बिचाः स्वतन्त्रया खः । 'थव रेकर्ड नेवाः म्यूजिक भिडियो व सकिपा ख्यःया नितिं खः । नेवाः कला ख्यः व कलाकारतयत अन्तर्राष्ट्रिय स्तरय पहिचान बीत जिं थव रेकर्ड तयत स्वयागु खः' स्वतन्त्र धयादिल, 'नहापा अवार्डया नहापांगु संस्करणय कोरोना महामारी व लकडाउनया हुनिं योजना पूवनेमफुत । थुगु पालय लक्ष्य हासिल जुइगुलिइ आशावादी दु ।'

थव अवार्डया घोषणानिसें कयाः आःतककया खँ लहायबलय अवार्डया नितिं म्ये दर्ता व वयां लिपा सहभागी सकलसित दसिपौ वितरण, नोमिनेसन घोषणा, नोमिनेसनय लायत ताःलाःपिन्त दसिपौ व मेडल वितरण, अवार्डया प्रचारात्मक ज्याइवः कथं संसार अवार्ड कप फुटबल आदि ज्याइवःत जुइधुंक्ल । आः माघ २९ गते अवार्ड वितरणया मू ज्याइवः जुइत्यंगु जुल । थुकथं घोषणानिसें मू ज्याइवःतक थयंबलय करीब खुला ई बीधुंक्ल । मू ज्याइवः धुंकाः नं मेगु छुं ज्याइवः जुइगु खःनिला धइगु खँ नं दर्ता । ईया ल्याखं थुकथं दकले ताःहाकःगु अवार्ड ज्याइवः दयकेगु कुतलय ग्वसाः खलः दुगु जुल ।

उकिया नापं दकले तःधंगु अवार्ड ज्याइवः धकाः नं दाबी यानातःगु दु । थुगु अवार्डय ३२ ला क्यारगरी हे दुगु जुल । मेमेगु अवार्डय छू क्यारगरीइ साधारणतया न्याम्ह नोमिनिज दइ । थुकी छू क्यारगरीइ भिम्ह/भिम्ह

नोमिनेसनय तःगु दु । उकी दुने गायक, गायिका, संगीतकार, रचनाकार, संगीत संयोजकनिसें कयाः रेकर्डिड स्टुडियो अले म्यूजिक भिडियोया कलाकार, निर्देशक, प्राविधिकनिसें प्रोडक्सन हाउसयात तकं दुथ्याकातःगु दु । धार्मिक तथा देशभक्ति म्ये विधाय क्यारगरीइ धाःसा भिन्त्याम्ह नोमिनेसनय तःगु दु । अथे हे, अवार्डया निगूगु संस्करणय ख्यालि जुजु मदनकृष्ण श्रेष्ठयात लाइफटाइम अचिभमेन्ट अवार्ड बीगु जूगु दुसा न्हयम्ह वरिष्ठ कलाकःमियात बीगु संसार सप्तर्गी कला सम्मान थुगुसी नं बीगु जूगु दु । वहे कथं थुगुसी संसार तेज स्मारक कला सम्मान थप जूगु दु । थुकी न्याम्हेसित सम्मान यायत्यंगु दु । थुगु सम्मानपाखें कलाकःमिलिसें नेवाः कला ख्यःया प्रचारय ग्वहालि ब्यूगु धासं पत्रकार श्याम स्मृत व लहना मिडियायात नं सम्मान यायत्यंगु दु । उलि जक मखु, शौकन्हय दकले चर्चित म्ये सालगु गाचाया पुचःयात संसार खोकना प्रतिभा कला सम्मानपाखें सम्मानित याइगु जूगु दु । खँ थुलिं जक नं सीधइमखुनि । अवार्डय दुथ्याःगु म्येया दुने दकले अप्वः म्ये निर्देशन व कोरीयोग्राफी याःम्ह आराध्यालक्ष्मी खड्गी, युट्यूबय दकले अप्वः स्वःगु म्ये राजमति कुमति (फिमेल भर्सन) व दकले अप्वः म्ये अपलोड जूगु युट्यूब च्यानल ज्योति म्यूजिक नं विशेष सम्मान सम्मानित जुइगु जूगु दु । थुकथं म्यूजिक व म्यूजिक भिडियो ख्यःया छुं नं क्षेत्रयात मत्वःतूसे दकले तःधंगु अवार्ड ज्याइवः दयकेगु कुतः नं जूगु दु ।

छू कुतः न्ह्याःवंगु दु, पलाः न्ह्याःगु दु । पलाः आज्जुतकक थ्यनी वा मथ्यनी, अथवा आज्जुया गुलि न्ह्यःनेतकक थ्यनी धइगु खँ ला भविष्यं कनी । तर आःयात धाःसा भीसं फक्व तिबः बीगु खः । ज्या याइबलय गनं छुं द्दने नं फु । अज्याःगु द्दगु थाय गनं दत धाःसा नं उकियात भिंकावनेत छ्याता बियाः फक्व व खँक्व कथं तिबः बियाः न्ह्याःवनेमाः । मेगु छुं हे यायमफुसां टिकट न्यानाः प्रज्ञाभवनय वनाः ज्याइवः स्वःवनेगु हे नं तःधंगु तिबः जुइफु । यदि थव वल्र्ड रेकर्ड च्वनेफत धाःसा थव रेकर्ड भी नेवाः कलाकःमि, कलाह्यःमि सकलसिगु रेकर्ड जुइ । थव भी सकलसिगु गौरवया विषय जुइ ।

100% Vegetarian
Sweet Cave
Sweets - Namkeen - Fast Food

Sweet Cave

(जीवन दाईया पसः)
Kalimati, Kathmandu, Nepal
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनीर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।
आउटडोर भेज क्यारिङ पनि गरिन्छ ।

(क) व्यापारी त्यासा
(ख) हायरपचेज त्यासा
(ग) आवासीय त्यासा

(घ) शेयर त्यासा
(ङ) महुती रसिद धितो त्यासा
(च) क्रमिक निक्षेप त्यासा

मिलन बहुउद्देश्यीय सहकारी संस्था लि.
हवनाछैं, पाको, न्हूसतक, यैं, नेपाः
फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

म्येहालामि रंजितया 'मतिनाया गल्लि' पिदन



वरिष्ठ संगीतकर्मिलिसं नांजा:मह म्येहालामि जुजुकाजी रंजितया न्ह्यु याक: म्येचा: 'मतिनाया गल्लि' पिदंगु दु। वंगु शुक्रबा: येंय जूगु ज्याइवल्यु म्येहालामि रंजितया म्येचा:या पितव्वज्या जूगु ख:। नेपाल रुस मैत्री तथा सांस्कृतिक संघया नाय: स्वराज शाक्यया सभापतित्वय

जूगु ज्याइवल्यु जनकवि दुर्गालाल श्रेष्ठ म्येचा: पितव्वज्या यानादीगु ख:। ज्याइवल्यु जनकवि श्रेष्ठलिसं, नेवा: न्ह्यलुवालिसं नेपालभाषा एकेडेमिया भाइस चान्सलर मल्ल के. सुन्दर, साहित्यकारलिसं संचारक:मि, निर्देशक प्रकाश सायूमि, पुलांमह मुख्य सचिवनापं केसु गुथिया संस्थापक

नाय: केशवराज राजभण्डारी म्येचा: व नेवा: संगीत ख्य:यात कया: थ:थ:गु नुग:खँ तयादीगु ख:।

ज्याइवल्यु म्येहालामि रंजित छपु रसियन भायूया म्येलिसे प्यपु म्ये न्यकादीगु ख:। म्येहालामि रंजितया जहान कौशलया रंजित पिथनादीगु म्येचा: पितव्वज्या ज्याइवल्यु वयकलं हे लसकुस यानादीगु ख:सा म्येचाल्यु दुथ्या:गु छपु म्येया म्युजिक भिडियोया नं पितव्वज्या या:गु ख:। म्येचाल्यु दुगु म्येत जनकवि श्रेष्ठ च्यादीगु दुसा वरिष्ठ संगीतकार मनराजा नक:मि व जुगल डंगोलं लसयु हनादीगु ख:। अथे हे, म्येचाल्यु दुथ्या:गु ज्व:म्येयु म्येहालामि रंजितयात रत्नशोभा महर्जन व निशा देसारं साथ बियादीगु दु।

नेवा: हुलाप्याखं कासाय अग्रिया न्हाप

विश्व सम्पदाया धलखयु दुथ्यानाच्वंगु थनया वसन्तपू लायकु लागायु नेवा: हुलाप्याखं धेधेबल्ला: कासा -११४३ जूगु दु। नेपाल राष्ट्रिय खड्गी समाज यें जिल्ला शाखाया ग्वसालयु यें महानगरपालिकाया सहकार्ययु हुलाप्याखं धेधेबल्ला: कासा जूगु ख:। कासाय अग्रिया सिंह न्हाप, रियाना मानन्धर ल्यू सुजाता नक:मि लियाल्यु ला:गु ख:सा स्वस्तिहारा सिखाकार व दृष्टि मानन्धरं ह:पा: सिरपा: त्याकेत ता:ला:गु ख:। कासाय न्हाप ला:मह सिंह टूफीलिसं भिद्र: तका ल्हातयु लाकूगु दुसा ल्यू ला:मह मानन्धरं न्ह्युद्व: तका व टूफी, लियाल्यु ला:मह नक:मि टूफीलिसं न्याद्व: तका दां त्याकूगु दु। ह:पा: सिरपा: त्याकूपिं सिखाकार व मानन्धरं टूफीलिसं निद्र:/ निद्र: तका दां त्याकूगु ख:। जुरी च्वाइकथं सोहन शाही व रुमिका राईयात विशेष सिरपा: ब्यूगु ख:। कासाय सुष्मा घलें उत्कृष्ट



भेषभूषा, सनाया शाही उत्कृष्ट हाउभाउ, ओजस्वी प्रजापति उत्कृष्ट समा:या सिरपा: त्याकेत ता:ला:गु दु। यें, यल, ख्वपलिसं किपुलिइ जूगु अडिसनं ल्य:पिं कासामि दथुइ वसन्तपुलिइ लिपांगु धेधेबल्ला: कासा जूगु ख:। ख्वीमह स्वयां अप्व: कासामि ब्वति का:गुलिइ अडिसनं लिपांगु कासाया निर्ति पीनिमह छनोट जूगु ख:। लिपांगु कासाय वरिष्ठ नृत्य निर्देशकपिं नारायणदेवी प्रधान, भुवनदास श्रेष्ठ, राजु शाह व श्यामप्रसाद

खड्गी अथे हे संगीतज्ञ अमरराज शर्मा, नांजा:मह संगीतकार गोविन्द ह्यूमत, संगीतकारलिसं म्युजिक एन्जर जुगल डंगोल व बालकृष्ण वंशी निर्णायकमण्डल्यु च्वनादीगु ख:। समाजया यें जिल्ला नाय: सुभाष शाहीया सभापतित्वयु जूगु ज्याइवल्यु केन्द्रीय नाय: नन्दकिशोर शाही कासाय त्या:पित सिरपा: ल:ल्हानादीगु ख:। यें जिल्लाया छ्याञ्जे प्रतिक शाही लसकुस यानादीगु कासाया संयोजन राजन शाही यानादीगु ख:।

पत्रकार नवीन जोशीया अबु मन्त

नेवा: एचडी टिभिषा नाय: संचारक:मि नवीन जोशीया अबुजु दुर्गानन्द जोशी सोमवा: सुथयु मन्त। संचारक:मि जोशीया अबु सुथयु ९:०५ यु कीर्तिपुर अस्पतालयु मरुगु ख:। सुथयु आकाभाकां स्वास्थयु समस्या वयुवं वयुक:यात अस्पताल यंकूगु ख:सा अन वास: यायुगु इवल्यु मरुगु छँज:पिसं धा:गु दु। नवीन जोशी नेवा: संचार व संकिपा ख्य:या छ्मह न्ह्यलुवा ख:।



नवीन जोशी थ्यंमथ्यं स्वीन्यादें पीदें न्ह्य: पिहाँ व:गु 'चरित्र' नांयागु नेवा:

संकिपाया छ्मह हिरो नं ख:। नवीन जोशीया अबुजु मरुमह दुर्गानन्द जोशी ८४ दँ दुमह ख:सा वयुक:या निमह कायु नवीन जोशी व नरेश जोशी अले म्थ्यायु निमह दी। अथेहे, मरुमह दुर्गानन्द जोशी नाट्य, कला ख्य:या न्ह्यलुवा:लिसं बरिष्ठ निर्देशक कलाकार व च्वमि पवन जोशीया दाजु ख:। मरुमह दुर्गानन्द जोशीया अन्तिम संस्कार पशुपति आर्यघाटयु सोमवा: क्वचा:गु दु।

मानन्धर संघया स्थापना दिवसयु थीथी कासा

केन्द्रीय मानन्धर संघया ग्वसालयु थीथी कासा क्वचा:गु दु। संघया ७९ क्व:गु स्थापना दिवसया लसतायु वंगु माघ १४ गते वार्षिक खेलकुद प्रतियोगिता अन्तर्गत चेस(मिसा व मिजं), टेबुल टेनिस (मिसा व मिजं), खुदें क्वयूया मस्तयु दथुइ मचा ब्वाज्या व १५ दँतकया मस्तयु दथुइ धा: बाजं धेधेबल्ला: कासा जूगु ख:। कासायु टेबुल टेनिस (मिजं) पाखे उच्चल मानन्धर (तंलाछि) न्हाप, सार्थक मानन्धर (चस्वाँद्वं) ल्यू व राजेश मानन्धर (दैसा:) लियाल्यु ला:गु ख:। अथे हे टेबुल टेनिस (मिसापाखे) प्रितिका मानन्धर (चस्वाँद्वं), ईशा मानन्धर (भिंघ: गुथि) व पलिसा मानन्धर (भिंघ: गुथि) छसिकथं न्हाप, ल्यू व लियाल्यु ला:गु दु। मचा ब्वाज्या कासायु सम्यक मानन्धर (सा:क्वलान त्वा: ख्वप) न्हाप, आर्शिया मानन्धर (तंलाछि) ल्यू व रियाज मानन्धर (पाक्व पुखुद्यां) लियाल्यु ला:गु ख:। चेसयु मिजंपाखे निराजन मानन्धर (त:खाछें खल:) न्हाप,

सुरेश मानन्धर (तंलाछि) ल्यू व मनिष मानन्धर (भिंघ: गुथि) लियाल्यु लातसा मिसापाखे श्वेता मानन्धर (तंलाछि) न्हाप, स्वस्ति मानन्धर (तंलाछि) ल्यू लायुत ता:ला:गु ख:। धा:बाजंपाखे थँहिंतिता लुमिला मानन्धर न्हाप व थँहिंतिता हे लुँस्वां मानन्धर ल्यू लातसा ९ दँ दुमह सम्मुनत मानन्धरं ह:पा: सिरपा: त्याकेत ता:ला:गु दु। संघया ग्वसालयु मानन्धर ल्यायुमह पुच:या संयोजनायु जूगु चेस, टेबुल टेनिस व मचा ब्वाज्या दक्षिण एशियाया कीर्तिमान धावकनापं संघपाखें प्रबुद्ध व्यक्तिकथं सम्मानित बैकुण्ठ मानन्धरं स्वनादीगु कोषपाखें जूगु ख:सा धा:बाजं शम्भुमान (काकाभाइ) बसुन्धरा लुमान्ति कोषपाखें जूगु ख:। विजयी कासामिपित वइगु फागुनयु जुइगु स्वयम्भू भ्वजयु छ्मू ज्याइव:या दथुइ सिरपा: ल:ल्हायुगु संघं जानकारी ब्यूगु दु। थ्व हे इवल्यु संघया ग्वसालयु वइगु चैत महिनायु नौबाजं सम्मेलन यायुत्यंगु दु।

मातृभाषा ...

ज्याइवल्यु मूछ्याञ्जे केके मानन्धरं पत्रकार राष्ट्रिय दबूया संगठन बिस्तार, सुदृढिकरण व व्यवस्थित तबरं न्ह्याकेगु निर्ति न्यागु बुँदे अवधारणा न्ह्यब्वयादीगु ख:। वयुकलं न्ह्यब्वयादीगु न्हापांगु बुँदायु संस्थायात बल्लाकेत देयुन्यकया सकल नेवा:तयुत नेवा: पत्रकार राष्ट्रिय दबुलिइ न्ह्यकेत कुत: यायुगु न्ह्यथनादीगु ख:। वयुकलं प्यक्व:गु त:मुँज्यातक थ्यंबलयु २९ जिल्ला शाखायु पत्रकार राष्ट्रिय दबूया शाखा बिस्तार जुइधुंकूगु खँ मुँज्यायु न्ह्यथनादीगु दु। वयुकलं नेपा:या संविधान संघीय ढाँचायु वनेधुंकूगुलिं पत्रकार राष्ट्रिय दबूया विधान तर्क वहेकथं दयुकेज्या जूगु कनादिसं वयुकलं दबूया विधानया परिच्छेद ६ कथं प्रदेश समिति दयुका: वहेकथं शाखा/समिति अद्यावधिक यायुमा:गु खँ न्ह्यथनादीगु दु। वयुकलं निगूगु बुँदायु मातृभाषा पत्रकारिता विकास यायुगु लागायु ज्या यायुमा:गु व न्हापांमह मातृभाषी पत्रकार जगतमान वैद्य (धर्मादित्य धर्माचार्य) यात सरकारी स्तरं स्थापित याकेमा:गु खँयु व: बियादीगु दु। समावेशी पत्रकारिताया निर्ति

न्यूज डेस्कयु सामुदायिक रूपयु सहभागिता, भौगोलिक आधारं पहुँच, भाषिक रूपयु संलग्नता व न्यूज कन्टेन्टया सन्तुलन दयुकेत क्षमता अभिवृद्धि व व्यक्तित्व विकास यायुमा:गु खँयु व: बियादीगु दु। वयुकलं २००८ सालयु नेपाल पत्रकार संघ स्वना: दकले न्हापां नेपाली पत्रकारपिन्त संगठित या:मह सत्यनारायण बहादुर श्रेष्ठया मुद्दा स्थापित याकेगु ज्याखँ न्ह्याकेमा:गु खँ तयादीगु ख:।

यें १७ वडायु...

विकासकर्ता विज्ञतयुसं ग्वाहालि याइगु जूगु दुसा वडां नियुक्त या:पिं वडास्तरिय परामर्शदाता वडाध्यक्ष, वडासचिवलिसं सेवालिसे सम्बन्धित कर्मचारीयात सहजीकरण याइ। थुगु प्रणालीइ ई-सिफारिस, दर्ता, चलानी सेवा दुथ्याकात:गु दुसा सेवा कायुत सेवाग्राही यें महानगरपालिकाया मोबाइल एप 'केएमसी'पाखें थ:गु विवरण जायुका: छ्वयुगु व प्राप्त तथ्यांक व सूचना वडा सचिवयाथायु थ्यनेवं प्रक्रिया न्ह्याइ। आ:यात यें १७ वडां शुरु जूगु थुगु सेवा वइगु दिनयु मेमेगु वडायु नं विस्तार याना यंकेगु ग्वसा: दुगु महानगरं न्ह्यथंगु दु।



ABCD खबर
हामी सबैको खबर



हामी सबैको खबर
www.abcdkhabar.com
तपाईंले पढ्नु भयो त ?

हरेक मंगलवार
राष्ट्रियताको लागि समर्पित



मेरो साप्ताहिक
मचा साप्ताहिक **Mero Saptahik**
माला: माला: ब्वनादिसं।



Admission Open For

Play Group & Nursery

PLZ CONTACT US FOR MORE DETAILS :

MODERN NEW ENGLISH SCHOOL

माडर्न न्यू इंग्लिस स्कूल

Durbar Marg, Kathmandu
4-249350 & 9851075915



श्रेष्ठ ट्रेड मेडिया

मी सार सभक यो टोलियर (इन्डो) जसो बिक्रयको कूलरटी, कारभारी । फोन : ९७७०७०३०३०१०००७४२
Email: lahna@wink.com.np, lah265@nethrancha@gmail.com, lahna@freenet.com
A House of Dairy Equipment & Chemicals
जसो हरे जेका उपकरण जसो उपकरण प्रयोगको तसो उपकरण उपकरण

शौचालयको प्रयोग गरौं, संक्रमणबाट जोगिऔं

- खुल्ला स्थानमा दिसापिसाब नगरौं ।
- शौचालयमा मात्र दिसापिसाब गरौं ।
- दिसापिसाब गरिसकेपछि साबुनपानीले मिचिमिची हात धोऔं ।
- हत्केला पछाडि, औंलाको बीच, नङ लगायत हातका सबै भागमा कम्तिमा २० सेकेण्डसम्म राम्रोसँग साबुन लगाएर सफा पानीले हात धोऔं ।
- सफा कपडा वा तौलियाले हात पुछौं ।
- जीवाणुलगायतको संक्रमणबाट आफू पनि बचौं, अरुलाई पनि बचाऔं ।



नेपाल सरकार

विज्ञापन बोर्ड

The Biggest & Longest Award in Nepalbhasa Music, Video & Film Industry.

SANSAR CREATIONS NEPAL (RHOJANA) Presents:

2nd NEPALBHASA STAR MUSIC VIDEO AWARDS 2022

निर्वाह ग न्यायवाचा शान श्रद्धाक गिर्दिया श्रवाडग -२०७९

2ND NEPALBHASA STAR MUSIC VIDEO AWARDS-2022

GRAND FINALE

29th MAGH, 2079 (12th Feb. 2023) Sunday
Sagal Academy Hall, Kamaladi, Kathmandu

अष्ट्रेलिया वनेत विश्वास यायेबहगू छगूयां छगू जक माध्यम

VISA ALLIANCE य्

छितः लसकुस दु !



COURSES WE ASSIST

- Accounting
- Aged care
- Automotive
- Book Keeping
- Business
- Child Care
- Certificate IV in Commercial Cookery
- Community Service
- Cyber Security
- Dental Assistant
- Disability
- Early Childhood
- Education
- Graphic Design
- Hairdressing
- Health
- Hospitality
- Information Technology
- Law
- Leadership
- Teaching
- Tourism
- Web-design
- Web-development
- MBA
- Nursing
- Pharmacy
- Project Management
- Science

Our Services

- STUDENT VISA
- DEPENDENT VISA
- TOURIST VISA
- MIGRATION VISA
- IELTS
- PTE
- MOCK TEST
- ACCOMODATION
- TICKETING
- HEALTH INSURANCE

To connect with us...

Pushpalal Marga, Link Road, Sorhakhutte, KTM
01-4353988, 9851238828
nepal@visaalliance.com
visaalliance.com.np